

Ontario Wiin Oshki Asiniikewin Odoonaakonigewin Asin Nanandawaabajigewin gaye Anokiiwin Ge'onjiimagag

Ontario wiin Oshki Asiniikewin Odoonaakonigewin geged da'izhise Ontario wiin ji'minosed giyaabi iwe asiniikewini jige iniwiji'aaji' ini giuwedinoong, agwaajiing odenawan gaye Anishinaabe dazhiikewinan ji-odisaabadamowad ji-ondiziwaad anokiiwin gaye ji-onjiminosewaad.

Amiibezhigwan, iwe onaakonigewin da-onjigiji minose jigii gagwejimid Anishinaabe, ji- ini gwaayaakoseg gedoodamonaaniwang iwe nake gaashkijigewin gaye dawii'ji'iwemagan jiniisiseg akii jiwanaadasinoog ima'onji nitaam asin nanandawaabajigewin.

Iwe onaakonigewin giizhaabonigaade apii niswaa giyyagideg apii October 21, 2009 izhkwaaweweni egii'dazhidamowaad igi Standing Committee on General Government. Iwe dash Asiniikewin Aanjibii'igan Onaakonigewin, 2009 gii'izhise giji'ogimaakwe eminonaang iwe apii October 28, 2009.

Ontario wiin oshki Asiniikewin Odoonaakonigewin ima niigaan dibaadonde shipi onaagijigewin iwe onji nanandawaabajigewin izhijigewinan oma Ontario.

Owe nake doojigewin:

- Ozhibii'iganan ini nanandawaabajigewinan magizha gaye mazina'iganesan dawiikijisewan jigii izhinaagogin ini nanandawaabajigewin izhijigewinan.
- Gagwedwewinan wiikoji'iwewinan weweni da'ozhibii'igaadewan
- Akii weweni bimiwijigewinan dawiikoji'iwemaaganoon aaninda iniwe nanandawaabajigewin izhijigewinan.

Ozhibii'iganan ini nanandawaabajigewinan magizha gaye mazina'iganesan
Shegoyaa'ining ima Ontario Wiin Oshki Asiniikewin Odoonaakonigewin, da'izhise jigii igiwe gawii nanandawaabajigewaad jibagidinamowaad gaawii'dodamowaad magizha gaye jigii gagwedwewaapan mazina'iganens ima akiing wii dodamowaad iweni nanandawaabajigewin izhijigewinan. Nanandawaabajigewin da'inaginde iwe nake ge'izhiseg akii wii izhijigewaad. Daabshko ini gaawidodamowaad gaye ini mazina'iganesan. Awe Ministry of Northern Development, Mines and Forestry dagagwedwewaag iweni gwaayaak inagijigewin.

Iwe gaawii shipi onaagijigewin iwe onji nanandawaabajigewin izhijigewinan da'izhinaagoonon jiwii'ji'igood Anishinaabe gagwedwewin gaye akii giuwe'odaapinigan gaye jigiiwii'ji'indaaw igiwe bagona akiini gaadibendamowaad.

Jibwaa maadakaamigag nanandawaabajige anokiiwin, igi gaa'asiniikewaad gaawii odaapinamowaad niisi akii bigaamiziwin dagii bagidinaanawaa iniwe nanandawaabajigewi' izhijigewinan gaye ogabiminzha'anawaan ini onaakonigewinan. Ini zshwiin shipi doojigewinan, nanandawaabajigewin mazina'iganesan dayadawendaagwan giishpin wii'anookaandang, imaa nake Ministry of Northern Development, Mines and Forestry.

Giji ogimaa geged dawiindamage iweni gwaayaak gaawiidojiganiwang nanandawaabajigewin wedi gebigaamishkaagowaad Anishinaabe daazhiikewinan jibwaa maadakaamigag. Anishinaabe daazhiikewinan damiinaa gewiin jidibaajimood aniin enendamowaad ge'izhibigamishkaagowaad ono dino izhijigewinan ini godaa Anishinaabe omiinigoowiziiwinan gaye odiba'amaagowinan. Nanandawaabajigewin mazina'iganesan dadagobii'igandewan maya gegoonan anokiiwinan ge'izhinagajijigemag, gaye ini Anishinaabe omiinigoowiziiwinan gaye odiba'amaagowinan, ge'izhi bagamiseg ima akiing gaye jinagajiseg anokiiwin ima nake gaanishike bagona akiini gaadibendaagogin.

Anindaa oma Canada ganagajidowaajin odaabajidoonawaa gegoonini dino nanandawaabajigewin izhijigewinan magizha gaye mazina'iganes ji-weweni inagideg nanandawaabajigewin izhijigewinan.

Awashime Ashewinan

Iniwe anaakobii'iganan ima Ontario Wiin Oshki Asiniikewin Odoonaakonigewin iwe dago ogimaa wiin odoo'shki. Iwe nake ji-aazheseg magizha bakaan shooshkonigaadeg anindaa ini ge-miigooshkaadedamo'iwemagagin, owe oshki izhijigewin daonji minowiijiwdinaaniwan igi asiniike nanandawaabajigewi anokiig gaye Anishinaabe dazhiikewinan, gaye igi nishike akiini gadibendamowaad.

Ishke, iwe gaawiidojigaaniwang da'izhise jigii ashesegin ima nake Anishinaabe gaa'inaadizid dino gawiin jigii-ashoga'igaaniwang iban. Ima Southern Ontario, giji ogimaa ogii-ashenanan ini giji ogimaakwe asiniikewinan ima ga-izhi nishike gaadibendaagoninigin, egiji'inendamowaad ini megwaa gaa-ashodibendamowaajin gaye gaa-diba'amowaad mazina'iganesan. Ima Northern Ontario, nishike gaadibendamowaad akiini gaagi mooshkinebii'igewag iniwe ashesijigewinan.

Akii Mazina'igan Gaginawaajibii'igan

Iwe oshki Asiniikewin Odoonaakonigewin dagobii'igaade iwe oshki dibaajimowin akii mazina'igan gaginawaajibii'igan, e-aashowizonaniwang wedi niigaan nisin apii naanan biboonagaag – jimaajiseg iwe mazina'iigin dino gaginawaajibii'igewin ima Southern Ontario gaye baanima ji'ini'ishiseg maamkaadaabikoong nake dino miziwe oma. Dagii-izhiseban dash ini gaa-ashodibendamowaad memwech jigii wanaajitoowaad akiini, gaye daabshko weweni jigii-miinidaaw jiyaabajitoowaad akiini miziwe oma. Iwe ogikendamowiniwaa igi gaa-asiniikewaad iwii-gagwegikendamonaaniwang iwe bagona akiing anokiiwin, iwe izhise gabagidinind shooniya ima nake giigagwedakiiwaad gaye

nanandawaabajigewin giyabi ima dayate dazhiikewining gaye dagiji dagose ima Ontario wiin gaawii-minosenig gedodang ima asiniike odooshjigewin.

Ge-onji-dibaabadeg Anokiiwin

Ontario oga ganawaabadan iweni ge-onji-dibaabadeg anokiiwin gaaya-dawendagogin ji oski maajisemagagin izhijigewinan iwe ge-onji-dibaabadeg mazina'igewin gaye jigii-miikosegiban weweni nawach gegii-doojiganiwangiban ji-onji minosegin ini asiniike gaginawaajjiganan oma nake. Dago jigii-gagwejimindaaw igi gaagashkijigewaad anokiig iweni jigii-debinaamowaapan jigii-diba'amaawindaawban iweni ge-onji-dibaabadeg anokiiwin. Gaawiinon jigii-webinigaaniwangiban iwe ge-onji-dibaabadeg anokiiwin, jigii-nanagadawenjiganiwangiban ge-izhiyaabadang diba'igewin, daabshko, baakaan nake jigii-mikigaadegibaniin gegii-izhi'yaanakosegiban iwe diba'igan mooshkinebii'iganiwang iwe ge-onji-dibaabadeg anokiiwin. Igi Canadian gaadibendamowaad ono dino obagidinaanawaan aniish izhisewan baangii naawaaj naanan maagizha midaaso minik iwe maamaaw ingobiiboan gaadibaadodegin.

Ontario ogabagidinan minik gaajaaginigewaad Anishinaabe gagwedwewin jigii wenjised iwe ge-onji-dibaabadeg o'mazina'igewin jidibaa'iged gaabi-anokiikadang. Aazha Canada Revenue Agency onisidaawinan, minik gaajaaginigewaad igi asiniikeg ebagagwedwewaad gegoon ima dazhiikewining gaye jigii-debisewaad jimiinidaaw mazina'iganes ji-giwe odiziwaad nake nanandawaabajigewin dino. Gagwedwewinan dino izhise edagosegin ima nake dibaakonigewin shegoya'ii nanandawaabajigewin mazina'iganes maagizha gaye gagwedwewinan ima besho nake dazhiikewining jigii-debwe izhisemagag iwe dinowaa nanandawaabajigewin nake Canadian dino anandawaabajigewin jaaginigewin.

Asiniikeg Gegii-gigendangiban

Geged jigii-gigendamowaapan igi ga-asiniikewaad wegonen endawendaagoog ima onaakonigewining, Ontario da-niigaanjige jimaajidood awe gaawii-asiniiked jigii-gagino'amawaaganiwind gegoon gaye ge-oondinangiban asiniike mazina'iganesini. Jigii-bayatedaagoogiban, gaawiinon gagwejiwin gaye gaadebinigaade mazina'iganes, dagii-izhinaagwan, odikidoowiniwaa gaadibendamowaad dino, gejinaaj igi gaawii-asiniikewaad jigigendamowaad ono oshkiya'iin ima asiniikewin odoonaakonigewin, gaye Anishinaabe gagwedwewinan, gaye oshki onaakonigewinan.

Dago, Ontario wiin niigaan omaajitoo asiniikewin onaakoniganan jigii-nadamaaged giishpin maanzhi-wiijiwdinaaniwang onji Anishinaabe dino asiniikewin.

Ganoondiwin onji igi Gaadibenjigewaad

Iwe gaagii-ozhijigaadeg oshki asiniikewin onaakonigewin, nigii-bizindaamin. Nigiji-inenimaanaanig igi gaadibenjigewaad, gaye nigii-maamawibii'aamin odikidoowiniwaan ima ozhibii'iganing.

Nigaagwedwewininan gaamashi izhkwaasesinon. Owe gaa-ini-ozhitooyaangin onaakonigewinan, awe ogimaa awaashime da-ini-izhijige jigagwejimaaji' ini

gaadibenjigewaad dino, Anishinaabeg gaye gagina'awiya' debwe jiminoseg owe onaakonigewin onji asiniikewin oma Ontario. Bebakaan dino ima ozhibii'igan dabiminizha'igaaniwanoon geya'piijibii'igaaniwangin.

Geyapiijimagag ono Geyaanjisegin

Owe ge'izhiseg giji ogimaakwe egoominaang:

Gaagiiyaanjibii'igaaniwang maano jigii-nanadokii'inaniwang, gakinawaajjiganiwang gaye nanandawaabajigewin iwe ewii-ozhijigaaniwangibaniin ini asiniikewin, maya jigii-ganawaabadeg gaye gejinaaj jigii-jiwsegibaniin ini Anishinaabe omiinigoowziwinan gaye odiba'amagowinan ima chakibii'igan 35 ima giji onaakonige mazina'iganing, 1982, gaye iwe gagwedwewin, gaye jigii-agaasiseg iniwe gebigaamiseg ima onji izhijigewinan nake mino'ayaawin gaye oma akiing.

Giizhaad da'azhesewan ini giji ogimaakwe asiniike odibejigewin ima shegoya'ii nishike gaadibenjigaadegin dinowaa ima Southern Ontario.

Ozhki aanjibii'iganan onji maajjigewinan ima shegoya'ii Asiniikewin Onaakonigewin

Ozski aanjibii'iganan onji gaa-onizhizhid asiniins odibenjigewin dino bimiwijigewin.

Ge-izhiseg ishkwaaw ini onaakonigewinan ozhijigaadegin:

Apii ingo-biboonaagaag

Dadibaadoonde mazina'iigino gakinawaajjigewin ima Southern Ontario

Gebiminizha'igadeg apii mooshkinebii'igaaniwang ji-azhe odaabinigaaniwang iwe giji ogimaakwe asiniike odibenjigewin ima shegoya'ii nishike gaagi-jiwinaangin dino ini ima Northern Ontario

Aanjibii'igan ini akiin gaabaak'sisigin jigii-gaginawaajjigaadegin gaye nanandawaabajigewin.

Ozhki aanjibii'iganan jigii-bagidinigaadegibaniin ini ogidakaamig gaginawaajjigaadegin jiyaabadagin bakaan jigii-inaawdegin daabshko ozhki waasigan dino izhijigewinan gaye jiganawedaagogin ini Anishinaabe gaa'inaadizid dino.

Apii niizhin ako niso biboonaagaag

Nanandawaabajigewin izhijigewinan gaye mazina'iganesan ga-onaakonigemagagin ini nitam nake anandawaabajigewin debwe jigii-izhisegin ini nanandawaabajigewin ji-ini bimiwijigaaniwangibaniin weweni jigii-ganawaabadeg Anishinaabe gagwedwewinan, nishike gadibendamowaad akiini gaamisawendamowaad gaye jigii-gwayaakosijigaaniwangiban wanashkweseg gegoon ima akiing. Anishinaabe gagwejimiwewin daniigaansijigaade apane owe asiniikewin gawiidodagaaniwang.

Da-ozhijigaaniwan ge-onji wiindamaawindaaw igi gagijiwinaamowaad asiniike mazina'iganesan, jigii-weweni wiindamaawindaaw aniin ge-izhijigewad ima shegoya'ing Asiniike Onaakonigewin. Dadagonigaade dibaajimowin ini geyadawendaagogin aniin geyayizhiinaaniwang anishinaabe dagwiid gaye gagwedwewin, giwe'odaapinigewin ini onji nandawaabajigewining, gaye gebiminizha'igadegin iwe wii-gaginawaajijiged akiini gaye nanandawaabadang asiniin ima nishike akiising.

Apii nisin ako nanaan'nibiboonagaag

Maamaakaadaabikoong nake dagii-dodagaaniwan akii mazina'igan wii-gaginawajibii'aang akiini amii weweni ji'izhiseg miziwe Ontario iweni asiniikewin gawii-gagina'waajidood.

Giishpin awashime gegoon wiigigendaman, ganoonz:

Robert Merwin

Director, Mining Act

Giigidowin: 416-327-8266

705-670-5627

Maajiiyaasijigewin: 416-327-0634

Maamaakaadaabikoong: miningact@ontario.ca